

觀

象

玩

占

觀象玩占戊集目錄

第十七卷

南方七宿

井宿

總敘

月五星干犯占

雲氣干犯占

鬼宿

總敘

日月變異占

客星流彗孛干犯占

日月變異占

月五星干犯占

客星流星彗孛干犯占

雲氣干犯占

第十八卷

柳宿

總敘

日月變異占

月五星干犯占

客星流星彗孛干犯占

雲氣干犯占

星宿

總敘

日月變異占

月五星干犯占

雲氣干犯占

第十九卷

張宿

總敘

月五星干犯占

雲氣干犯占

翌宿

總敘

客星流星彗孛干犯占

日月變異占

客星流星彗孛干犯占

日月變異占

月五星干犯占

客星流星彗孛干犯口

雲氣干犯占

軫宿

日月變異占

總敘

日月變異占

月五星干犯占

客星流星彗孛干犯占

雲氣干犯占

第二十卷

太微宮垣

總敘

日五星干犯占

客星流星彗孛干犯占

雲氣干犯占

第二十一卷

紫微宮垣

總敘

客星流星彗孛干犯占

雲氣干犯占

天市垣

總敘

月五星流星彗孛干犯占

雲氣干犯占

觀象玩占戊戌集目錄終

觀象玩占卷之十七

井宿

總敘

東井八星曰天府一曰東陵一曰天井一曰天闕一曰天門一曰天渠一曰天亭一曰天候一曰天齊一曰天池水星也主水泉亦為天之南門日月五星貫之為中道又主酒食女主之象主諸侯帝戚三公之位為天之亭候主承衡法令之所取平也三光行不由其中為天下無道雖經之不得留之王者心正則井星正井星正而明則法度正號令明大盛則多風雨暗小不正則國弱政亂動搖變色則諸侯帝戚有廢戮三公受殃移

徙則國亂君憂洪水為災鉞一星附井口第一星遠二寸主伺淫奢而斬之不欲其大明大而明則鉞鉞用兵起動怪芒角則大臣多死於法者星亡則天下大水

日月變異占

日在井食雍州大旱人流千里甘氏曰秦邦不臣食盡則謀成不盡則謀不成又曰戒之在供養之臣陳卓曰女主憂國內亂苛政行武密占曰陽國弱失地食盡則天下大旱

暈于井多陰雨大風

月食在井大臣有謀皇后憂五穀傷陳卓曰國內亂一曰有兵喪乙巳



占曰水衡五祠之官有憂大臣誅食盡則兵起以日占國

月食在井鉞中人流千里

月暈于井海中占曰胡兵起郝萌曰天下有兵又曰王者出遊來年  
旱後六月丙辰大赦荊州占曰陰陽不合一曰國有憂事兵起人  
流

月暈圍井四夷不和

月暈井一重四夷不和二重三重陰陽不和

月以三月暈井大水

月以建丑月壬癸日暈井有大赦

月暈井及鬼其年旱禾不收

月行至井變色而青國有憂赤有兵旱白有喪黑大水黃有亂月失  
行入井大風雨有災

月宿井而霧有水患

月行井北北夷大飢

月行井南南夷國亂

月五星干犯占

月犯井刑政不平兵起主人憂乙巳占曰將軍死一日多風雨大水為  
災一曰歲荒人飢一曰水官有黜者

月犯井左右星女主憂

月入井大水諸侯貴人多死荊州占曰有兵

月食井內亂以日占國

月犯井鉞大臣誅斧鉞用內亂兵起有拔城流血破軍殺將

歲星守井法令極多獄事守之七日天下和平七日已上至二十日之上

天下更改有火災五谷傷有土工一曰秦國亂守其北多暴雨石氏

曰木守井河水溢皇帝占曰大飢人疾病却萌曰大人多病有喪一

曰將相死又為旱荊州占曰道上多死人一曰萬物不成久守之金錢

易天文志曰禍成五星守之皆為有兵喪乙巳占曰木留守井其

國以仁致天下 木守井環繞勾巳之有赦

木入井皇帝占曰有軍在外歲星進則兵退星退則兵進郝萌曰歲星入東井一南一北侯王憂二曰害於黍稷又曰天下有土工川瀆之事留之二十日以上易正朔一曰木入井歲飢人病乙巳占曰木入井秦國亡武密占曰易置天下

木犯井若中乘之陳卓曰王者法令急多獄事其年大水人飢天下人改令郝萌曰其國内外有兵起乙巳占曰人主有汎水之事大將惡之有内亂

木乘井而守之人主有法令水衡之事逆臣為亂將軍死人主憂木凌犯井芒角相連繞成勾已兵大起國君出走人民十死其九五

星同占

木舍井居其東五穀不成居其南國居病諸侯多死居其西小兒多死居其北有改令

木出入留舍井三十日天下有水非一國

水逆行井石氏曰有兵陳卓曰川壅郝萌曰人君出入不時

木中犯乘守井鉞斧鉞用大臣誅曰賢相死近臣為亂兵起

熒惑守井三日貴臣相戮守二十日以上宮中憂火滿六十日有大水

魚行人道貴相死郝萌曰火守井百川皆溢石氏曰糴貴又曰天下

有名水有絕者大旱大魚死平咸曰有逐王郝萌曰萬物不成一

曰天下以軍自守一曰火守井南王后死守其西太子死守其北諸侯有死者火守之其分民多死

火守井三十日以上成勾已角動色赤貴人死百川溢兵起若環繞之起兵者事成

火中犯乘井有兵陳卓曰臣有以家事坐罪者天子以水敗荊州曰先起兵者殃後起者昌李筌曰將死郡萌曰火犯井南后死舉等  
同

火入井石氏曰旱其國亂有兵兵止無兵兵起大臣當之甘氏曰其國大凶米貴民多死石氏曰有赦令黃帝占曰牛大疫兵器貴一曰水

出海水溢國失火有逃亡先起兵者戰不勝

火以春入井

有赦

火入中因守之天子宮中失火

火芒角疾行入井十日相死三十日君死

火入井太白隨之糴貴道上多死人

火逆行井貴人死傷有火災

火逆行井若守之成勾已天下兵起天子當之

黃帝占曰火出北河戒行至井十一星將軍有野死者十二星內臣有

市死者

火經井中而南出天下易主

海中占曰火行井上二大將軍死

火行井七曜常行之道而留守之其國內亂以日辰占何國

火出入留舍井三十日不下有破國死王

火犯守井鉞斧鉞用大臣誅兵起臣謀主執法者死不出其年

鎮星守井大旱五穀不成黃帝占曰有水石氏曰不出九十日有赦都

萌曰有土工甘氏曰有壅水人多病一曰民飢久守之金錢易守其

陽旱守其陰水國君死以入日占國守之二十日兵起六十日國敗

土舍井黃帝占曰大人憂荊州占曰天下無主天文錄曰兵起東北

土入井居其中旱出之乃兩



土入井行陰為大水五穀不成

土逆行井女王不能奉祭祀

土出入留舍井三十日不下石氏曰水大出人流死六十日不下兵起有  
破死君 土守井犯鉞星王者惡之曰大臣誅兵起

太白犯井海中占曰人主浮船石氏曰將軍惡之乙巳占曰太白中犯  
乘井皆為國內亂兵起

太白入井石氏曰國失政大臣為亂兵大起天子以兵自守郝萌曰先  
起兵者敗天下大水荊州占曰將軍有戮死者又曰政急民流諸  
侯舉兵曰臣有謀上者大臣當其灾

太白入井中留二十日以上天下改正一曰六畜疫兵大起

太白守井黃帝占曰水灾一曰糴貴將相死兵起石氏曰旱至咸曰君失政大臣為盜有誅者大人忌之一曰萬物不成有火灾郝萌曰兵起東南石氏曰太白守井十日不下大人坐之三十日不下神水出歲多土工郝萌曰太白守井一東一西一南一北男不得耕女不得織

太白凌犯乘井而守之大將誅兵起

太白逆行井有叛臣國易政兵大起秦地大殃

金犯守井鉞斧鉞用大臣誅國內亂兵起

辰星入井天下水灾春秋文曜鉤曰蠻夷君有死者邊兵起期不出其

年一曰有亂臣馬貴星進則兵進星退則兵退 水入井中守之

天下易政

辰星犯井馬暴貴有反臣石氏曰刑法不平歲大惡郝萌曰胡兵起  
天文錄曰辰星進則兵進退則兵退乙巳占曰水犯守井角動色赤  
黑為水起兵色黃潤天子有善令色惡大人憂

水守井黃帝占曰大水百川皆溢石氏曰歲旱晚水又曰法臣相戮一日  
胡兵起春秋感精符曰辰星守井去之七寸守七日以上至十五日  
天子殺大臣郝萌曰五穀萬物不成金錢易一日五穀霜死歲大惡  
其分尤甚一日其國大人惡之 水出入東井有亂臣

水逆行入井天下多水有絕者

水受其東井不朝五穀不登

辰星犯守井鉞斧鉞用大臣誅兵起水灾穀不成

客星流星孛孛于犯占

客星入井水旱為灾秦地喪亡二曰外邦有使來獻食物者一日五穀不成  
成糴大貴一日陂池若水事一日有水敗道路不通郡萌曰君失政臣  
為亂大人當之一日宮中憂火荊州占貴人死有奇令火神從天下  
妖祥自地出多失火黃帝占曰客星入井留十日成勾己有贖罪  
之令、

客星犯井國有土工小兒妖言一日國乱兵起荊州占曰其國有兵大

臣誅期八十日又曰貴人憂多大災郝萌曰百川溢一曰有客以水令來言者天文錄曰五谷不收糴大貴

客星出井宮中火起大臣為亂兵大起將軍憂有白衣自立者尋破不成一日大水石氏曰有旱虫生人多病一日貴人死至咸曰貴人之女有懷子而化為水者郝萌曰多火災一日百川溢男女不得耕織

赤星守井若入之貴人有疾一日有族誅者宮中有憂

黑星守井若入大水有水令

客星絕井而過天下名水有絕者

客星守井鉞斧鉞用大臣誅曰有兵將軍為外兵所擒士卒多傷  
死以星所居及其出之南北及其日辰占國

流星入井水與城平天文論曰有使從外來言水兵事武氏曰其分饑  
餓民多死乙巳占曰其國以水亡期三年

流星出井其所至國大水武密占曰天子有水事于外乙巳占曰多水  
有絕者

流星犯井大臣誅其國有兵期八十日乙巳占曰流星大而光衝犯井  
有大便至主憂春夏犯秦地亂百川溢秋冬犯宮中憂人多死

流星色赤黑出入井其地有水民流亡

流星出柳入井天子浮舟

彗孛出井有奸臣在君側其國大水兵大起軍在外則有戰死有將其國大人死三十日不沒將當之四十日不沒相當之七十日不沒君當之  
郝萌曰彗孛出井兵起國亡

彗孛犯井其國用兵大臣誅期八十日武密占曰宮中有亂秦地兵起災國易政

雲氣干犯占

青雲出井大如缶口上拂參而行入井河中大水沒城郭期二

十日遠三十日

黃白雲氣如井有客來言水澤事

赤雲氣入井大水不則疾疫亦為旱

蒼白雲氣入井有喪女主惡之

蒼白雲氣出井有水令入井民大疫

赤氣出井天子以水行兵

黃氣出井天子以澤泉之利養民

黑氣入井民疾病多死喪天下大水道無行車

白氣入井大雨水



赤氣入井有兵一日水賊起

恒以正月朔夜候東井中或上下有雲氣潤澤則其歲多潦

漢桓帝永壽三年四月戊寅熒惑入井口中占曰大臣誅後二年  
四月大將軍梁冀以罪誅

晉惠帝永康二年二月太白出西方逆行入東井占曰國失政大臣  
爲亂是時齊王同起兵討趙王倫滅同又繼亂明年誅死大安二年  
七月太白入東井是歲成都河潤王攻洛陽八月長沙王奉帝出  
拒二王兵交闕下

宋興二年九月歲守東井占曰有兵井秦分是年荀晞破師藩

張方破范陽王虓關西諸將攻河澗王顥顥走東海王迎殺之

孝武帝寧康三年六月癸卯太白犯東井太元元年符堅破梁州

鬼宿

總數

鬼四星曰興鬼一曰天目主視明察姦為朱雀頭眼一曰天鎖之族主誅殺

一曰天廟主祀事一曰天訟一曰天貴一曰天曠主疾病死喪土星也其中

為日月五星中道其東北星主積馬東南星主積兵西南星主積

布帛西北星主積金玉有變則占其所主其中央色白如紛絮者謂之積尸氣一曰天尸主死喪祠祭亦曰鈇鑕主刑法主誅斬

天尸如雲非雲如星非星見氣而已不歆其明明則鬼害人多病  
死其外四星歆其明明則五谷成不明則民散移徙則政急民愁  
動搖則外賦重其殃為君死國亡連年水害鬼質明則兵起臣謀  
主民流亡動搖則疾病兵起之災並起人死如麻

日月變異占

日在鬼食國有大喪天下安下曰皇后貴人憂曰秦國君當之

日暈于鬼其分有兵武家占曰大臣誅不則有廢出者一曰有大喪月  
在鬼食貴人憂一曰后有憂不出一年武家占曰大臣有誅者天  
下不安

月暈于魁石氏曰忝貴三倍海中占曰大旱荊州占曰有兵大戰曰  
其分旱粟大貴曰歲惡多霧電霜雪多死人

月以夏三月三暈鬼大雨五谷不成皆在月初旬月以正月上旬暈鬼  
有赦期三十日 却萌日月以一月兩暈鬼多死人月以夏三月  
暈鬼多大霧多電多雨水有虫災一暈為寒一丹暈小水三暈大  
水五谷不成

月以四月七月十月暈鬼中出氣皆為人死東行為老人南行為丁壯  
西行為老嫗北行為少年皆期九十日一日月以正月上旬暈鬼  
有大赦一歲再暈鬼亦有赦期百半日

月宿鬼而霧有兵起戰主人不利

月五星干犯占

月犯鬼民疾疫都萌曰兵在外將死一曰大臣誅國有憂武氏曰貴臣  
女主憂天下不安諫臣憂

月犯天尸乱臣在內陳卓曰國內乱大臣誅秦邦君憂

月入鬼人主憂財寶出一曰人多病死從南入為男從北入為女從西入  
為老人棺木大貴

月食鬼女主憂貴人死有大喪謀臣憂糾彈之官有凶

月食天尸其分兵喪土工起鈇鑕用

月犯鬼西南星布帛貴有急令犯西北星金玉出犯東北星馬多  
死犯東南星兵大起

歲星守鬼巫咸曰天子諸侯金玉錢帛石氏曰人主有祭祀事郝萌  
曰五谷傷民饑死人主以命終人多病狂死者天文論曰外邦諸侯  
有來朝者

木守鬼十日以上金錢大出

木守鬼西南星五人以上秦漢之地有反臣

海中占曰木守鬼出其北旱出其南多雨水五谷熟出其左右  
貴親生之又曰木守鬼角動有謀逆者色黑事不成伏誅 石

氏曰木宇鬼五十日不下民有大喪百八十日不下民半死

木宇鬼居東北麻豆成居東南豆麥熟居西北黍稷不成居其中  
中央歲山乙巳占曰木入鬼守之十日以上令散於諸侯期六十日  
若一月

木入鬼留十日以上金錢大散 石氏曰木入鬼大臣誅曰

亂臣在內又曰國有喪有妖言小人在位天子失御一曰木  
入鬼相黜或貶死

木入鬼食天尸石氏曰天下死者太半王者疾病有兵又曰國  
有大喪諸侯大臣有戮死者荊州占曰亂臣在內兵起有屠

城一曰在丑月則災甚

木逆行鬼其君不聰明用度無節石氏曰木逆行鬼出其陽男子  
災出其北女子災出其中央天子當之若逆行入鬼犯食天尸  
則有大兵起鈇鉞用大臣誅天下有積尸若在十二月其災甚大  
木逆行守鬼色怒者先憂後喜

木犯鬼谷傷人飢王者以疾終近布帛發布帛近金玉發金玉近馬  
發馬近兵發兵犯約七寸守約三日他隹此

不去五諸侯入鬼諸侯世子有死者期六十日去天高入鬼大人死不  
出百二十日



木留舍鬼處其東北麻豆成稻不成舍其東南豆麥成有人暍死者  
舍其西南天下多死喪舍其西北黍稷成麥不成早蚤惡晚  
蚤吉黃帝占曰木處鬼南有易君木處北有易相處西老人死  
一曰姓婦多死

熒惑犯鬼黃帝占曰女主失勢一曰國有喪大臣誅甘氏曰執法者戮  
荊州占曰忠臣戮死不出一年石氏曰旱多火災大臣憂一曰有  
女喪大將死兵起

火入鬼大賊在火人側一曰有兵喪金玉用有大赦黃帝占曰財寶出  
物貴天下大疫

火入鬼犯天尸甘氏曰天下兵起大戰流血有沒軍死將三十日不下  
有大喪人流亡死者太半期三年 黃帝占曰火入鬼中留二十日  
以上兵起大戰多死仍有大疫 石氏曰火入鬼中五日后死七日相  
死四日國君死 巫咸曰火入鬼中將相有誅死者一曰有內亂兵  
大起有屠城白骨滿野

火留舍鬼君疾病人疫應在衝却萌曰風雨不時多霜雪舍西北  
姪婦多死舍其東北長年多死有大水舍其中小兒多死人多  
病頭目痛舍東南老人多死

火出入留舍鬼五十日不下國水傷有空邑

火守鬼黃帝占曰女主病留十日諸侯王夫人當之留二十日太子妃當之東去病在孔竅不利南去病在頭西去病在手足北去病在陰又曰火守鬼東南七日少年病守十日老人病守其中君憂鄰萌曰火守鬼東北男子兵相殺守東南民多死守西北夷狄叛有反軍守西南主惡之秦地有反者一曰火守鬼南有男子喪守北有女喪守北七十日天下女子疾荊州占曰火守鬼東北星棺木貴守東南星五谷貴守西南星金錢貴守西北星鉄器魚鹽貴皆百倍石氏曰火守鬼貴相戮一日國有祭祀事一曰天下大疫物貨皆貴巫咸曰有兵兵罷多水災萬物五谷皆不成

一曰有火災一曰執法更有坐罪者一曰出其南旱出其北水

火守鬼已去之復還居之大國之君凶

火出入留舍鬼成勾已至尊失尊失宗廟期六十日若百十日

火逆行鬼有火災自柳還至鬼人相食一曰女主不節

火經行鬼中東行還守其西北角外國有逐王來降者

火逆行犯守鬼乘勾已王者惡之兵起金錢玉白散出將軍有戰

死期不出其年

火入鬼而守其中天下白衣聚土興

火中犯棄守天尸皆為國有大喪兵在西北有沒軍死將若以十月

從西來入守之國有大喪天子皇后皆出與喪有赤土者

鎮星犯鬼甘氏曰人君必有所戮天文錄曰其分有喪一曰人主惡之

一曰宗廟改

土逆行犯鬼女主奢淫用財過度若女主貴戚有憂

土入鬼黃帝占曰有兵石氏曰大臣有誅者却萌曰天下大疫一曰有戮

壬南官候曰主謀其臣巫咸曰有土工

土入鬼守之王者憂財寶出亂臣在內有干鉞乘鑽者乙巳占曰

人民多病南入為男北入為女西入為老人東入為丁壯棺

木貴

妃病十日諸王夫人病

辰星守鬼西南秦地蜀有反臣兵起

辰星守鬼大水蝗虫起守十日以上侯王有誅者

辰星之鬼天下有溫病

客星流星彗孛干犯占

客星出鬼座咸曰其國有喪出其南為君北為女左為太子右為少  
子石氏曰有明詛鬼神祠祀之事于國外

客星入鬼石氏曰有明詛鬼神祠祀之事于國內夏氏曰王者亡天下  
人多病鄰萌曰多死喪人相食一曰鉞鉞用大臣誅人主有大

晏平咸曰客星入鬼居天尸南男子死居其西老人多死居其東丁壯多死居其北婦女多死居其中兵起天下人多死兵器馬魚鹽價百倍

客星犯鬼甘氏曰國有非次自立者必敗王天官論曰其分若彗都萌日多土工男女不得耕織凶乙曰牛貴犯天尸國君憂金玉貴天下大疫人多死犯四星隨其所主為天子所發

客星守鬼石氏曰國有大喪守之五十日不去兵不起將軍戰于野有死者期不出一年都萌曰客星守鬼多工役牛馬貴有更改之事民不得耕織荊州占曰守東南星谷貴守西南星金鉄平貴

守西星魚鹽大賁一曰客星守鬼天下有喪陽為君陰為臣后左為太子右為貴臣又曰客星守鬼西若西入老人死守鬼東若從東入少壯死客星居鬼中天下棺木貴人主惡之

流星入鬼國有宗廟祠祀事外邦來貢

流星入鬼質大人憂一曰臣有戮死者視星大小言其人

流星犯鬼天子威政斬奸春夏祀政不明秋冬犯天子多疾病

流星出鬼天子使出外有宗廟祠祀死喪之事

黑星出鬼所之之地多病入鬼秦人多病

流星交抵星鬼中國與西南夷交兵



奔星有光如火散行鬼上下大臣受賜期六月

彗字出鬼名曰喪棲有兵大疫積尸暴骨不出三年

彗字犯鬼國內亂天下兵行有大喪

雲氣十犯占

黑氣入鬼大人皇后皆有憂

白氣入鬼人疾病

黃氣入鬼有土工

赤氣入鬼大旱有火災

漢景帝四年七月癸未火入東井行陰又以九月己未入鬼戌寅出占

曰有誅伐又為火災後二年有栗氏事其後未央東關災

武帝建元六年熒惑守鬼占曰為火災有喪是歲高國大災實太

后崩

明年永平十三年閏

月丁亥火犯與鬼質星占曰

為大喪質星為大臣誅其年十二月楚王英坐謀逆自殺

和帝永元十六年七月庚午辰星在與鬼中占曰為死喪後  
一年帝崩

安帝永初三年六月癸酉太白入與鬼占曰將凶其後中郎將尚  
坐贓棄市

順帝永和三年辰星入與鬼是歲征西將軍馬賢擊西羌父子

俱占戰沒

桓帝延熹七年八月庚戌熒惑犯鬼質星八年二月大僕南鄉  
侯左勝以罪賜死其弟中常侍上蔡侯愷北鄉侯皆自殺又  
荊州占曰刺史等為賊所拘 桂陽太守任 坐敵走皆棄  
市

觀象玩占卷之十七終

觀象玩占卷之十八

柳宿

總敘

柳八星為朱鳥喙一曰天相一曰天注亦作味一曰天大將軍一曰八臣  
一曰天廚主御膳酒食倉庫和鼎實以享宗廟又主雷雨主工匠  
主草木火星也一曰土星其北六尺為日月五星中道其星欲明明  
則大臣鎮重人豐酒食王者安厨膳具不明則王者失政宮中不  
安主舉首則主命行賢佐出直則天下謀伐主蹴聚則兵滿野  
動搖則大人以酒死失色則天下飢饉開張則人流亡

日月變異占

日在柳食王者有病不安其宮石氏曰厨官憂甘氏曰戒之在門  
戶橋道之臣若今衛尉是也一曰鳥獸死

日暈于柳厨宰之官黜石氏曰五谷不成人饑蜚鳥多死

月在柳食大人有憂甘氏曰虞水官黜都萌曰人饑相食一曰天子  
有疾不安其宮乙巳占曰貴人百姓有以言坐罪者一曰其地  
有凶

月暈于柳人饑無食一曰天下土工興都萌曰有獄事其地旱疫一曰  
林苑有兵石氏曰秋木茂若有兵戰人多死又曰谷貴飛虫死

月暈圍柳不出三十日有野兵圍城巫咸曰月暈柳三重大臣有死者兵起者不戰有水災民流徙一曰有赦一曰三暈柳大臣死有水民愁

月以寅亥月暈柳有赦

月宿柳而霧人多陰病

月五星干犯占

月犯柳土工興名木伐一曰大臣憂黜郝萌曰有軍在野則將死無軍則其國憂若乘柳其下有建祠守起土木者

歲星守柳石氏天下歡娛五谷豐熟久守之則人飢巫咸曰多水災

五谷萬物不成却萌曰多獄事中兵起有反者乙巳占曰木守  
柳貴臣得地有德令

木逆行守柳有反臣中外兵起

木入柳石氏曰天下安諸侯有慶五谷審熟百姓康寧歌無行  
若失行或變色則天下以兵起

木居柳海中占曰五谷熟

木與柳同光其國大強

木與出入留舍柳九十日不下國有兵戰大將死

木犯柳多水災谷不成石氏曰木犯柳東曉穰不成犯其南有易

君犯其西民疾老人姪婦多死其北貴人徒一曰易相又曰木犯處其南地動處其西大水一曰大人憂

木逆行柳為疾病死亡行其陰女子災行其陽男子災行其左右貴戚災行其中君當之

木與火同守柳星色赤白郊內起兵黃白五谷傷黑水災赤角兵起  
近期三十日遠六十日

熒惑守柳黃帝占曰王侯不寧石氏曰中外有兵有逆臣有君側  
平咸曰天下旱多水災萬物不成五谷大貴羊貴一曰臣有不  
奉主命者一曰王者治宮室民多病宮中失火守之一百二十日



以上民大饑君失國守之三十日以上君憂一日讒臣亂國外兵  
來攻萬家邑援千家邑虜荊州占曰熒惑迫守柳天子宮閉  
却萌曰熒惑守柳有聖人在南國

火以夏三月守柳國失地民饑流亡

火犯柳石氏曰有土工事名不多伐黃帝占曰有導主為非以亂其  
國者又曰天子以飲食為事不安社稷却萌曰熒惑芒角赤  
色天下有亡君死將

火入柳黃帝占曰大人禦守巫咸曰諸侯一慶賀事却萌曰有觴  
客事南官候曰麻貴在後年一曰天子戒飲食

火入柳而順去之天下有兵兵止若留之二十日以上有負之客

火之柳天下以四夷為憂

火逆行柳侯王不寧天下多火災

火留柳荊州占曰供養者非其人

火以建辰月舍柳下芒色怒赤左右倚兩旁其冬地大動民多恐兵大起  
大起三年乃止

火出入留舍柳有妖言國敗三十日不下天下有急令天子大憂土工人  
作大將誅死國亡

鎮星守柳君臣和同天下大喜久守之天子慎飲食却萌曰萬物不

成天下大饑多疾疫一曰中兵作亂海中占曰宮中大亂相驚有  
土工事一曰女主不敬祭祀多水災乙巳占曰防食官為逆

土入柳天下喜若不由正道而入國有旱大災

土逆行入柳地動山崩色怒芒角四十日不下天子宮中有兵土犯柳

甘氏曰其國早有火災石氏曰土工興名木伐一曰周地  
有兵

土出入留舍柳有急令丹青貴石氏曰鎮星舍柳不旱即水

太白守柳石氏曰大將出戰勝有喜國益地太白去柳一尺臣專

政命守之久若失行變色小旱傷五穀海中占曰兵大起一曰歲

罷南官侯曰有反臣中外有兵齊伯曰秦兵且至平威曰有  
急兵有變令下凌上君弱臣強賊臣謀主郝萌曰人多病狂又  
曰胡不安

太白犯柳南官侯曰有土工事名木伐一曰有急兵有強臣有變  
更事之人君惡之

太白入柳郝萌曰兵起西方大臣守禦南官侯曰兵大起有  
得地者

太白逆行入柳成勾已下刑上臣謀主民相敵惟多暴骨死者春秋  
文耀曰人君殘百姓戮良臣則太白逆行入柳

齊提柳出入荊州占曰有陰謀

辰星守柳黃帝占曰歲不收甘氏曰王者賜客若國有貴客萌  
曰人主慎飲食防毒藥又曰有反臣中外兵起一曰有旱谷貴  
人多死一曰船隻相望在北方若處其陽則為大旱為死喪處其  
陰則為大水災傷乙巳占曰水守柳貴臣得地後有德令期九十  
日

木犯柳石氏曰有土工事名木伐一曰馬貴天文論曰君慎飲食一曰  
民相誰怨

水入柳海中占曰以水起兵乙巳占曰天下先潦後旱米貴馬貴

荊州占曰下刑上于訟父

客星流星彗字干犯占

客星犯柳周地有災期九十日

客星出柳兵大起大水人主浮舟天下饑人流亡不出其年遠二年一

日臣蔽主明名木出諸侯有誅者赤星出柳執法遇賊 蒼星出

柳殺邊地諸侯

客星入柳兵大起天下大恐布帛綿絮貴郝萌曰兵從澤起道路不

通又曰大帥有傷南官侯曰客星色赤芒角入柳地大動

客星守柳庫兵大發天下有為王者郝萌曰南官有變一日牛黃

胡寇為亂天下有彗聚魚鹽貴荊州占曰絲麻鹽貴

一曰大人棄其糧 乙巳占曰客星犯守柳天子賜遣

臣

客星舍柳兵出得地既得之還失之 乙巳占曰客星犯守柳

天子賜邊臣

流星出柳天子惡天文論曰周地有憂木工用乙巳占曰名木有

出者一曰天子有宗廟事武密占曰多雨水

流星犯柳周國亡期九十日春夏犯天子發急使秋冬犯后空口古

事起內有姦私事

流星入柳名木伐一日王宮火天厨之官憂乙巳占曰名木伐

彗字出柳兵起臣爲逆大旱谷貴武密占曰庫藏災

彗字犯柳乙巳占曰國誅大臣兵喪並起又曰強臣凌主天下傾危  
其國大旱民多饑死期三年遠五年

彗字行犯柳黃帝占曰有兵喪強臣喜懼南夷叛

### 雲氣干犯占

赤雲氣入柳有火災出柳大旱

黃雲氣入柳期五十日有赦天子造工室土木興

黑氣入柳天子宮廟木腐敗



白氣入柳天子造宮室

蒼白氣入柳有憂

白氣出柳國有憂兵出

黃白氣出柳天子出美木作工室入柳得美木也

黑氣入鋒刃刺柳三夜不散大人憂

星宿

總敘

星七星一曰天都一曰員官一曰天庭寔爲赤地府於午主衣裳黼黻  
文繡是爲朱鳥之頸周禮鳥旗七旒以象鵜火謂七星也一曰天

御一曰注侯一曰津橋后妃女御之位亦為賢士又為鋒亭主  
急兵守盜賊水星也一曰火星其又星北上三尺為日月五星中  
道七星明大大則王道行人主昌暗小則賢良不用天下空  
虛書士遁藏勳枉則兵起不明則執法政不平天子疾病離  
徙則天下易政室家殊計芒勳則后妃死賢人憂

日月變異占

日在星食虧太陽王者不安其國一曰為兵饑婦人災甘氏日戒  
在橋門之臣石氏曰天下賢士不用大臣亂國人主惡之兵  
起期五月

日暈于星皇后廢其分君憂鳥獸多死

月在星食虧太陰皇后憂冀州大饑一日大臣誅又主祠之官憂  
黜海中占曰其國更改兵在外戰

月暈于星巫咸曰女主黜大臣憂一日有獄事其分旱天文論曰  
主獄官凶有兵小戰蜚虫多死一日民多大傷草木再榮

月宿七星而霧民其分民多疾

日月五星干犯占

月犯七星有兵在外戰海中占曰輕車戰郝萌曰掌食臣有誅  
者國憂將軍死一日臣為亂一日皇后大臣有憂國大饑一

曰相易

月入七星其國有兵戰破軍死將

歲星守七星黃帝占曰天下安王道昌五谷熟久留守之不去五  
谷傷有反臣巫咸曰旱多大災萬物不成有兵饑邾萌曰中兵  
起天下有大憂

歲星與七星同光五谷大熟

木入七星荊州占曰五谷多傷天下盜起甘氏曰君置太子者武  
密占曰木入七星守之兵起

木舍七星甘氏曰王者獲福邾萌曰年豐處其西有水陳卓曰

其國以義致天下

木犯七星陳卓曰天子憂兵功臣受封海中占曰使者滿道臣  
下謀上

木逆行七星王者衣服非度却萌曰地動

木逆行犯七星若守之處南地動處其西大人坐之處其北貴人  
徙黃帝占曰木逆行犯守七星逆行臣為亂

熒惑守七星春夏為太陽若以十月為之守七日以上大人愁守  
二十日以上憂水災人饑大亂黃帝占曰火守七星天下有兵若  
社稷傾卞宮中荊州占曰刺守之四十日人生忌之河圖曰火守

七星二陽同居其歲枯旱五谷不成守之百日三年不雨都萌曰  
有反臣中兵起石氏曰地動津梁不通天下有憂都萌曰葬於  
市金鼓不行鬼神不享一曰國有大淫民大苦南宮侯曰有水咎  
火犯七星臣為亂海中占曰民苦淫役津梁不通

火入七星甘氏曰有君置太子者巫咸曰天子有觴客事一曰大人  
有疾國有淫佚

火留七星都萌曰國失地天下亂大人憂在中央

火出入留舍七星都萌曰國失地天下亂臣下衣服非度齊伯曰  
其地多喪有水多土工更紀

火與七星合人疾疫石氏曰君惡之

火入七星而守之春秋感精符曰人主憂大臣有誅者有大客  
貴臣有繫者五十日不下民多死人主有急令不出其年制  
荊州占曰火以十月入犯守七星民多死春入之其君臣湏于酒  
有易王

火逆行七星地動火災

鎮星守七星天下安王道行其分有福久守不去則五谷貴人主出不  
遷石氏曰土久守七星有遷王有立后郝萌曰有反臣中兵起  
有赦一曰旱

土入出留舍七星五谷大貴留之五十日不下兵起負海國大敗鄰  
萌曰天下大憂在中央

土入七星甘氏日有君置太子者

土犯七星宮中衣服非度大旱水災

土逆行七星二十日以上黃帝占曰有急兵一日有死君亡國一日兵起  
津渡橋者凶巫咸曰水災萬物不成却萌曰國失政大人當之南  
官侯曰有反臣中外有兵

太白守七星去之一尺守之三日若五日順軌道而去將軍出戰勝益  
地以入日占國



太白犯七星臣作亂郝萌曰兵大起有暴兵巫咸曰移市一日國失  
政大臣當之巫咸曰水灾五谷不成天文論曰有暴兵

太白入七星廿二日有君置太子者

太白提七星出入旱歲惡

太白經七星過之民非吾民當有詐為王者

太白出入留舍七星三十日不下兵且起六十日不下必有破國亡<sub>主</sub>將

八十日不下兵三年不止有急令期不出其年

辰星守七星三十日若二十以上大水大臣凶法官有生罪者郝萌

曰有反臣中外有兵久守不去有同姓謀為主者石氏曰民

民多疾一曰民流千里一曰兵內起

水犯七星臣為亂一曰賊臣在軍側一曰民疾病多流亡

水入七星有君置太子者

水之七星天下大澇百姓多流亡

水流七星鄰萌曰天下大憂憂在中央

水守七星芒角動怪甘氏曰天下有兵三年乃解又曰萬物不成

客星流星彗孛千犯占

客星出七星君以急事遣使以色占其吉凶以星所往占其國

客星出七星而守之石氏曰王者不親其子天文論曰河水溢民

流徙

客星入七星石氏曰客有以急事來使者以色告者及其所從來  
占之郝萌曰有君置太子者有奇令一曰色赤宮中憂火色  
黑貴人憂

客星犯七星國有大兵不出百八十日

客星守七星布帛麻桑貴津梁絕南官侯曰山林會河水失人流  
亡去其鄉或曰天下變更石氏曰周地有大賢守之三十日不去  
天子廷廷中有賊國易政土工興馬貴鹽貴麻豆不收又曰青黑  
色爲人疾病白色爲死喪乙巳占曰客星守七星兵大起多水潦

道路不通溝渠阻塞

客星舍七星五谷不成留舍不去宮中憂火

流星出七星內庫金帛出一日王者以急事遣使用期八十日若一年

流星入七星有急使來曰內庫官有喜錦綉進女工用乙巳占曰天下更令有徙人期三年乙巳占曰流星雙入七星五谷不熟春夏犯第三星兵大起秋冬犯之水災王者憂

流星犯七星國有兵不出百八十日天文論曰其邦有憂口舌之事七星為天都凡流星出入皆為財帛之事

彗孛出七星甘氏曰國有叛臣人主不安兵起宮中大臣戮死且

有大水一曰彗守七星期三年聖人出

彗孛犯七星那有亂臣一曰大臣相疑一曰國主不定宮中兵起大臣死非其罪近期七十日遠倍之

彗星出星張之間狀如布從風而靡此為兵戎熒惑之變也其占為君失政臣弄權兵起

雲氣干犯占

蒼白雲氣入七星大人憂 赤雲氣入七星中兵氣也若有客來必有兵隨之

赤雲氣如波揚入七星中大氣也宮有大災四曲五曲有大后妃  
惡之

蒼白雲氣出七星天子有急使出其氣回曲不正有臣亡

赤氣出七星天子有賜諸侯氣見而大風隨之者有赦

黃白氣潤澤入七星遠人來貢

黑氣入七星賢人多死出之禍除

白氣入七星國有死喪

雲氣如蜚鳥啄七星大人憂

觀象玩占卷之十八終